

中央黨部審定



孫中山先生外集

文昌陸達節輯

孫科題



196
國立編譯館

藏書



政治作戰學校研究所

分類號 005.16

著者號 7438

書編號 國家圖書館典藏 10753

由國家圖書館數位化

秘


中國國民黨中央執行委員會批答

批中華書局總經理陸費逵

呈為呈送孫中山先生外集二份請予審查示遵由

呈暨附件均悉。查該集內容，
總理遺著，應准予印行，仰即知照。
此批。原件發還。

中華民國



日

藏

2370

華12

2


吾

黨

所

宗

李濟深題



序

余常謂今日坊間出版所號爲孫中山先生全集或全書者，皆名實不副，殘缺不全之書。吾黨同志當思所以補足之，而使其成爲全璧焉則善矣。

人每以爲疑，余因曉之曰：孫先生一生奔走革命，遺著散在人間者，蓋不可以數計。而坊本諸集，惟於主義方略宣言等類，略無缺失；至其他各類，如文電函札等，則余敢斷言其所搜集出版者，猶不如尙未發見者之多也。

何以見之？蓋如先生之爲人，無日不在進行革命中，著論演說，習以爲常；函電紛馳，日必多起。今諸集所收，輾轉勦襲，小異大同，每類不過數十篇，全書約得百萬言而已。孰謂此區區一帙，遂足以盡先生一生之論著哉？

試觀集中文字，以函札一類爲獨多，蓋蔣公介石鄧公澤如各以先生平

日之所遺者，公諸世人也。然當知生平追隨先生之革命巨子，如蔣鄧二公者，海內外不下數十輩。苟各出其所得之函電以附益之，則惟文電函札二類，當各在千篇以上。其他各類文字，固不能以此爲例，然仍不免於散佚，從可知矣。若此則今之所號爲孫先生全集或全書者，匪特殘缺不全，或尙不逮先生一生論著之半數，此非吾人之一大缺憾事乎？

夫昔之名公鉅卿，魁儒碩彥，當其沒世也，其無關宏旨之述作，其門生故吏，猶不忍割愛，集而存之，務使其有傳於後。而況乎吾總理孫先生爲世界上之偉大聖哲，其一言一行，咸足爲天下後世法；其軼文亦無一非建國之寶典，革命之信史者，乃可不加搜輯，任其散佚，有是理邪？


余掛名黨籍，垂二十年，深愧於革命事業，無補涓埃。惟生平於三民主義，篤信無間，平日檢閱報章雜誌，以及其他革命書籍，凡見先生之論著，有爲坊本諸集所斷無者，則必錄而存之。日積月累，居然得八十餘篇

005.16
8477

，共數萬言。今將舉以公諸世，因遂名之曰孫中山先生外集，以見此之所收，皆出於坊本諸集之外，而實足以補其所不足者也。

故余深願吾黨同志，勿以爲坊本之先生諸集，已屬遺教之全部；而當勤加搜輯，以供國人之研求。則先生之軼文，終有完全發見之一日，此其有裨於黨國，寧有涯涘哉！

中華民國二十年六月十日文昌陸達節謹誌



國家圖書館



002900664

例言

一 本集所收先生遺著，皆坊本總理全集，孫文全書，中山叢書，孫中山全集，孫中山續集，中山外集，孫中山先生演講集，中國國民黨宣言彙刊等書之所無者，故名爲孫中山先生外集。

二 凡屬先生文字，雖非上列諸集之所有；然苟已爲中央黨部所搜輯，而陸續登載於中央黨務月刊及中央週報中者，則本集仍不採取，以免犯複。

三 本集分類，略仿胡漢民先生所編之總理全集，而分爲文電，函札，雜著三類。凡不屬於函電者，則不拘其爲何種文字，一律列入雜著，以免紛歧。

四 每題之下，均標明出處，以見其無一篇沒來歷；亦使讀者隨時可以覆按原書。

五 每題之下，均注明年月，以爲讀者論世知人之助。又每類文字，亦卽以年月之先後爲序。

六 先生遺著，坊本尙未有加新式標點符號者；本集特彌縫其闕，以便讀者。

七 函札一類，盡依原來格式排印，以免失真。

八 本集所收文字，多採自報章雜誌，錯漏在所不免；尤以文電爲甚。蓋有當譯電時，已經錯漏者。今皆無從校正，希讀者諒之！

九 先生軼文，方在陸續發見中，一時自搜輯難盡。苟假以時日，自當再出續編，以餉讀者。

孫中山先生外集目錄

文電

- 覆黎元洪電民國前一年十二月……………一
- 致伍廷芳電民國元年一月二日……………一
- 致黎元洪電民國元年一月……………二
- 致伍廷芳電民國元年一月四日……………二
- 致伍廷芳電民國元年一月六日……………三
- 覆黎元洪電民國元年一月……………三
- 致黎元洪電民國元年一月……………四
- 致伍廷芳電民國元年一月……………五
- 覆伍廷芳電民國元年一月十五日……………五

覆黎元洪電民國元年一月……六

覆伍廷芳電民國元年一月……六

致伍廷芳電民國元年一月十八日……六

致伍廷芳電民國元年一月十八日……八

致伍廷芳電民國元年一月十九日……八

覆伍廷芳電民國元年一月十九日……九

致黎元洪電民國元年一月……九

覆伍廷芳電民國元年一月二十日……一

致伍廷芳電民國元年一月二十日……一

覆伍廷芳電民國元年一月二十日……一

致伍廷芳電民國元年一月二十一日……一

致伍廷芳汪兆銘電民國元年一月二十二日……一

致伍廷芳及各報館電	一四
覆伍廷芳電民國元年一月二十三日	一六
致伍廷芳電民國元年一月二十三日	一七
致黎元洪電民國元年一月	一八
致伍廷芳電民國元年一月二十七日	一九
致黎元洪電民國元年一月	二〇
致袁世凱電	二〇
致黎元洪電民國元年	二一
致伍廷芳電民國元年二月	二二
覆伍廷芳電民國元年二月	二二
致伍廷芳電民國元年二月	二三
致伍廷芳電民國元年二月	二四

覆伍廷芳電 民國元年二月……………二一五

覆黎元洪電 民國元年二月……………二一五

覆黎元洪電 民國元年二月……………二一六

致伍廷芳電 民國元年二月十二日……………二一六

致伍廷芳電 民國元年二月……………二一七

致伍廷芳唐紹儀電 民國元年二月……………二一八

致黎元洪電 民國元年二月……………二一九

致伍廷芳唐紹儀電 民國元年二月十四日……………二二〇

覆伍廷芳電 民國元年二月……………二二〇

致黎元洪電 民國元年二月……………二二一

致伍廷芳唐紹儀電 民國元年二月……………二二一

覆伍廷芳溫宗堯汪兆銘電 民國元年二月十七日……………二二二

覆袁世凱電民國元年二月十七日	三三一
致黎元洪電民國元年二月	三三二
覆五洲華僑電民國元年二月	三三四
致伍廷芳電民國元年二月二十一日	三五五
致伍廷芳電民國元年二月二十二日	三五五
致袁世凱電民國元年	三五六
致黎元洪電民國元年	三七七
致黎元洪電民國元年三月	三八八
臨時大總統通電民國元年三月	四一
覆章炳麟等電民國元年	四二一
致魏邦平電民國十二年二月十二日	四三二
國民黨大會賀英首相電民國十三年一月	四三三

覆蘇俄代表加拉罕電民國十三年一月……………四四

函札

致謝讚泰函民國前十二年二月十三日……………四七

致陳楚楠函民國前七年……………四八

覆陳楚楠函民國前六年……………四九

致林義順函民國前四年十月十一日……………五一

致孫昌函民國前二年二月十五日……………五三

致康德黎函民國元年一月二十一日……………五三

覆康德黎函民國元年三月三日……………五四

致康德黎函民國元年三月十二日……………五五

覆佛教會函民國元年三月……………五七

覆葉舉等函民國十一年……………五八

覆湯廷光函民國十一年……………五九

雜著

中國革命同盟會委任狀民國前七年九月八日……………六一

臨時大總統令民國元年一月……………六一

臨時大總統布告民國元年二月十八日……………六一

臨時大總統令民國元年……………六三

中國之鐵路計畫與民生主義民國元年十月十日……………六四

大元帥令民國十二年……………七六

大元帥令民國十二年……………七七

大元帥令民國十二年……………七八

大元帥令民國十二年……………七九

大元帥令民國十二年……………八〇

- 大元帥令民國十二年……………八一
- 大元帥令民國十二年……………八二
- 大元帥令民國十二年……………八三
- 撫輯平民兵士案民國十三年一月在中國國民黨第一次全國代表大會提出……………八四
- 禁絕鴉片之主張民國十三年……………八五

孫中山先生外集

文電

覆黎元洪電

民國前一年十二月

黎大總統政書

武昌舉義，四海雲從。列國輿論，歌誦民軍，無微不至；而尤欽佩公之艱苦卓絕。文於中國革命，雖奔走有年，而此次實行，並無寸力。謬蒙各省代表舉爲總統，且感且愧！惟有勉爲其難，以副公之盛意。武漢爲全國之樞紐，公之責任維難，伏維珍重！

致伍廷芳電

文電

民國元年一月二日 共和關鍵錄

請每日將議和事詳細電知，切盼！孫文。冬。

致黎元洪電

民國元年一月 黎大總統政書

今日參議院選舉副總統，經全數投票，舉我公充任。共慶得人，謹爲
民國前途賀！

致伍廷芳電

民國元年一月四日 共和關鍵錄

議和總長伍廷芳鑒：國民會議地點，時期，及退兵辦法，商有頭緒否
？祈電知。以後請將會議情形，逐日電告爲盼！總統孫文。支。

致伍廷芳電

民國元年一月六日 共和關鍵錄

議和總代表伍公廷芳鑒：今日接安慶電云：「舊歷十三日，有專員自潁來省，倪嗣冲兵並未違約退出潁州。十三以後退否，尙未接到報告，容查明再行奉覆。鈺筠。」謹以奉聞。總統府。魚印。

覆黎元洪電

民國元年一月 黎大總統政書

現在用兵方略，當以鄂湘爲第一軍，由京漢鐵道進；寧皖爲第二軍，向河南進，與第一軍會於開封鄭州之間；淮陽爲第三軍，煙台爲第四軍，向山東進，會於灤州秦皇島；合關外之兵爲第五軍，山陝爲第六軍，向北

京進。一、二、三、四軍既達第一之目的後，與第五、六軍直指敵。連日內據探報，敵假議和，而集重兵力，圖取江淮，係分三路：一由亳州，一由徐州，一由潁州等情。南京之兵，已陸續開赴前敵。尊處如探得敵以退兵爲名，意圖南下，務望緊逼敵軍，以牽制其兵力；並一面電飭黃州及陽邏各軍，抄擊其左側，是爲至要！

致黎元洪電

民國元年一月

黎大總統政書

飛船據稱適用；但運送及試驗所費甚巨。不如由尊處派人來議，並可請滬上洋工師試驗，較爲便利。且尊處若無軍粟，亦可就近借用滬軍粟，如何？乞電復！

致伍廷芳電

民國元年一月 共和關鍵錄

千急，上海議和代表伍廷芳鑒：請公便宜行事，議定日數，約以十四日爲期。孫文黃興。印。

覆伍廷芳電

民國元年一月十五日 共和關鍵錄

千急，上海議和代表伍廷芳君鑒：電悉。如清帝實行退位，宣布共和，則臨時政府決不食言；文即可正式宣布解職，以功以能，首推袁氏。總統孫文。刪。印。

覆黎元洪電

文電

民國元年一月 黎大總統政書

飛船及尊電屬購之各物，已囑前途照辦；但不知價值貴賤如何，故欲尊處派人到滬面議。既屬需用甚急，謹當囑其即運往鄂，其他各物不知能全辦否，已電駐滬鄂軍交通所總理張復漢君接洽。

覆伍廷芳電

民國元年一月 共和關鍵錄

伍秩庸先生鑒：篠電悉。請即入寧面商，併邀請唐同來，以決大計。
孫文。密。

致伍廷芳電

民國元年一月十八日 共和關鍵錄

伍廷芳先生鑒：請告唐，清帝退位，共和既定，既推讓出於誠意。至其手續，則須慎重，以爲民國前途計，若兩日爲期草，不特貽外人譏笑；且南方各省，或有違言，轉不美。今以五條件要約如下：

一、清帝退位，其一切政權，同時消滅，不得私授於其臣。

二、在北京不得更設臨時政府。

三、得北京實行退位電，卽由民國政府以清帝退位之故，電聞各國，要求承認中華民國，待各國之回音。

四、文卽向參議院辭職，宣布定期解職。

五、請參議院公舉袁世凱爲大總統，如此方於事實上完善。孫文。巧一。

致伍廷芳電

民國元年一月十八日

共和關鍵錄

伍廷芳先生鑒：請告唐，皇室優待條件：

- 一、名號定爲宣統皇帝，刪去「世世相承」四字。
- 二、退居頤和園。
- 三、經費由國會定之。
- 四、如議。
- 五、包括在經費內。
- 六、如議乙滿蒙回藏五條如議。孫文。巧二。

致伍廷芳電

民國元年一月十九日

共和關鍵錄

伍秩庸先生鑒：密。請速告唐：昨巧電第三四五條合併改爲各國承認

中華民國之後，臨時總統即行辭職，請參議院公舉袁爲大總統。孫文。印。

覆伍廷芳電

民國元年一月十九日

共和關鍵錄

伍廷芳先生鑒：嘯一電悉。「相傳不廢」當改爲「終身不廢」。至交海牙存案，民國內閣，反對者多。其理由：一、國內之事件，交列國國際公會，大傷國體。二、不信國民，必須存案於外，卽爲喪失外國人信用，牽涉於國際。三、惟有用正式公文通告各國政府，卽可爲將來之保證。請告唐！孫文。皓三。

致黎元洪電

民國元年一月 黎大總統政書

和議成否，決於數日之內。清帝有意退位，現正商待遇之條件：一、清皇帝之名號，終身不廢，以外國君主之禮待之。二、暫居宮禁，日後退居頤和園。三、其年俸若干，由新政府提交國會議決，惟不得少於三百萬之數。四、陵寢宗廟，永遠奉祀。五、奉安等處工程，照實用數支出。六、滿蒙回藏之待遇，與漢人平等。又對於袁內閣之要約：一、清帝退位，一切政權同時消滅，不得私授其臣民。二、在北京不改設臨時政府。三、各國承認中華民國之後，文即辭職，請參議院公舉項城爲大總統。以上以南北統一，民國鞏固爲主旨；現雖未列入正式談判，而進行頗確。若清廷仍不肯就範，則再戰有詞，請仍照前電準備。現北方已有重兵至宿遷，窺淮揚。閩鄂桂之兵，須到南陽，宜一面擾圍鐵路，一面選派洛陽山陽之民軍，以牽制之。

覆伍廷芳電

民國元年一月二十日

共和關鍵錄

伍廷芳先生鑒：皓電悉。刪去讓字，及改定滿蒙回藏人一與漢人平等，可依議。惟相傳不廢，改作終身不廢。又如條件由民國臨時政府用正式公文通告各國政府，作為保證，不交海牙存案。合再告唐申明。孫文。芻一。印。

致伍廷芳電

民國元年一月二十日

共和關鍵錄

伍秩庸先生鑒：密，申明巧一電之意。

一、清帝退位，係帝制消滅，非祇虛名。

二、袁須受民國推舉，不得由清授權。

三、袁可對中外發表政見，服從共和，以爲被舉之地。

四、臨時政府不容有兩，以避競爭。今清帝退位後，民國政府當然統

一。

五、袁可被舉爲實任大總統，不必用臨時字樣。如此始得民國鞏固，

南北一致，請告唐！孫文。

覆伍廷芳電

民國元年一月二十日

共和關鍵錄

伍廷芳先生鑒：皓二電悉。昨改正巧一電：一、清帝退位，政權同時消滅，不得私授其臣民。二、在北京不得更立臨時政府。三、各國承認中華民國之後，臨時總統辭職；請參議院公舉袁爲大總統。此於民國安危，

最有關係，在所必爭。請唐告前途，當計及遠大，毋生異議。蓋袁不得於民國未舉之先，接受滿清統治權以自重。當清帝退位，民國臨時政府當然統一南北，則外國必立時承認，此其期間甚短速。文之誓詞以外國承認爲條件，爲民國踐行此條件，立即退讓，舉袁爲實任大總統，則文與袁俱不招天下之反對也。孫文。督二。

致伍廷芳電

民國元年一月二十一日

共和關鍵錄

伍廷芳先生鑒：和密督電蒞候袁回電，再行通告各國及各都督。今日開會議定裏告袁須於二十日悉將優待條件切實答覆，倘再議他項靶事宴。總統孫文。馬。印。

致伍廷芳汪兆銘電

民國元年一月二十二日

共和關鍵錄

萬急，上海伍秩庸先生汪精衛君鑒：今日覆電五條，併由政府提出參議院，得其同意，蓋尊重和平之極。前途若再不辦到，則是有心反對，衆怒實難犯。請告唐！總統府孫文。養三。

致伍廷芳及各報館電

民國元年一月二十二日

共和關鍵錄

萬急，上海伍廷芳先生暨各報館鑒：昨電悉。前電言清帝退位，臨時大總統即日辭職，意以袁能與滿洲政府斷絕一切關係，變爲民國國民，故許以即時舉袁。嗣就後來各電觀之，袁意不獨欲去滿政府，并須同時取消民國政府，自在北京另行組織臨時政府。則此種臨時政府將爲君主立憲政

府乎？抑民主政府乎？人誰知之？縱彼有謂爲民主之政府，又誰爲保證？故文昨電謂須俟各國承認後，始行解職，無非欲鞏固民國之基礎，並非前後意見有所衝突也。若袁能實行斷絕滿政府關係，變爲民國國民之條件，則文當仍踐前言也。至慮北方將士與地方無人維持，不知清帝退位後，北方將士卽民國將士，北方秩序亦卽應由民國擔任。惟一轉移間，不能無一接洽之法。文意擬請袁舉一聲名卓著之人，交接一節。滿祚已易，駐使當然與民國交涉，方爲正當。其中斷之時甚短，固無妨也。今確定辦法如下：

- 一、清帝退位，由袁同時知照駐京各國公使，電知民國政府，現在清帝已經退位，或轉飭駐滬領事轉達亦可。
- 二、同時袁須宣布政見，絕對贊同共和主義。
- 三、文接到外交團或領事團通知清帝退位布告後，卽行辭職。
- 四、由參議院舉袁爲臨時總統。
- 五、袁被舉爲臨時總統後，誓守參議院所定之憲法，乃能接受事權。按一二兩條，卽爲袁斷絕滿政府關係，變爲民

國國民之條件。此爲最後解決辦法，如袁併此而不能行，則是不願贊同民國，不願爲和平解決。如此則所有優待皇室八旗各條件，不能履行；戰爭復起，天下流血，其罪當有所歸。請告袁！孫文。禱。

覆伍廷芳電

民國元年一月二十三日

共和關鍵錄

萬急，上海伍秩庸議和代表鑒：養電悉。昨午電要約五事：一、清帝退位，由袁同時知照駐京公使，電知民國政府，言現在清帝已經退位；或由駐滬領事轉達亦可。二、袁須宣布政見，絕對贊同共和主義。三、文接到外交團或領事團通知清帝退位之電，即行辭職。四、由參議院舉袁爲臨時大總統。五、袁被舉後，誓守參議院所定之憲法，接受事權。此五條時經參議院之同意，於馬電所陳協商辦法，併無窒礙，即可併爲正式之通告

於彼方。至此次來電云云，有所未達，蓋推袁一事，始終出於文之意思，係爲以和平解決而達共和之目的。及見袁轉唐有取銷民國臨時政府之電，此事於理絕對不行，要求其一不能搖動民國前途之保證，故有巧電。祇保手續稍異，併無有變初衷。繼見來馬電以各國承認時期爲不能待，有袁與南京臨時政府協商組織臨時政府之說，則袁要有贊同民國之表示，以離去滿洲政府之關係，彼此始有協商之地。昨電第一二項並不多費時日手續；第三四五項亦然。總之個人名位非所願爭，而民國前途豈可輕視？前交貴代表之電，係轉唐袁磋商，併正式通告；且祇保手續之少異，亦因於事實而來，更無有失信於貴代表之事。和議解決，既在數日之內，請始終其事。另派全權一節，可無置議。餘詳昨電。總統孫文。梗一。

致伍廷芳電

民國元年一月二十三日

共和關鍵錄

急，上海議和代表鑒：據陝西特派員李良材報告：陰歷十一月十七日，第六鎮清軍已由灑池西發。其漢陽退出之清軍，及武衛左軍，均於二十一屯集洛陽，合謀攻陝。至升允所帶兵隊，由甘東出，已抵乾州境界。兩面受敵，勢甚危急各等語。查此次停戰展期，本出於清政府之要求。而袁世凱任豫甘清軍兩路攻陝，違約失信，究何居心？前與唐代表議決條件中載有兩方政府各派委員，至山陝一帶向兩方宣布實行停戰一條。本總統爲尊重人道起見，特暫止援陝軍隊，擬先實行此條，以昭大信。希即電清內閣，令其實踐條約，特派得力專員，星夜馳赴山陝戰地，宣令停戰！至山陝民軍方面，早歸中央節制，自由此間派員馳往宣布。其兩方所派專員，應如何保護，以及日期地點，彼此接洽之處，即逕請速電商定，以臻妥協。總統孫文。漾。

致黎元洪電

民國元年一月 黎大總統政書

有電悉：和議難恃，我軍戰鬪準備，刻不可忽。凡關於湖北方面之作戰計畫，應請尊處相機制宜，不爲牽制。惟敵人作戰目標，移向南京。國軍行動之總方略，應由中央規定，通告各處，然後能期統一。

致伍廷芳電

民國元年一月二十七日 共和關鍵錄

萬急，上海伍秩庸議和代表鑒：和局至此，萬無展期之理。民國將士，決意開戰；今曾提交參議院，尤極憤激，誓以同心共去共和之障礙。貴代表宜將彼方撤消唐使，不認全權所已簽約之國民會議選舉法；及提出清

帝退位之議，已以正式公文通告優待條件及各種辦法，又復不認。再三反覆，知清廷實無心於平和。此番開戰，其曲在彼之真相，對於內外正式發表。總統孫文。沁。

致黎元洪電

民國元年一月

黎大總統政書

連接伍代表電：「段軍統聯合四十二將帥電要清帝宣布共和。又轉來段電云：「祺瑞夙抱宗旨，不忍令地方再有糜爛，塗炭生靈。因兩軍所持太近，時有衝突，已擬稍退；民軍不可再進，致生惡感。孫黎兩公同此，代爲致意」等語」。彼方軍隊既承認共和，可由尊處派人與段接洽。我民國軍隊，爲共和主義而戰，若果能南北聯合，一致進行，卽不血刃而功可成也。急電俟復。

致袁世凱電

共和關鍵錄

北京袁總理鑒：文前日抵滬，諸同志皆以組織臨時政府之責任相屬；問其理由，蓋以東南諸省之缺統一之機關，行動非常困難，故以組織臨時政府爲生存之必要條件。文既審艱虞，義不容辭，祇得暫時擔任。公方以旋乾爲坤自任，卽知億兆屬望，而目前之地位，尙不能不引嫌自避；故文雖暫時承乏，而虛位以待之心，終可大白於將來。望早定大計，以慰四萬萬人之渴望！孫文。

致黎元洪電

民國元年 黎大總統政書

頃得唐代表電云：今日接到段復電云：電悉：孫黃所示各節，殆未詳察。北軍各路統兵人員，聯稟請定共和政體，明明宣布矣。既容稟請，萬勿改易。武昌派代表來，言明北軍既退，南軍決不北進。迨孝感三汊埠北軍起行，南軍即到，未免失信云云。據此則北軍贊同共和，似無疑義。段軍既經貴處與之協商，彼軍退時，可勿相逼，以免疑心，而生衝突。

致伍廷芳電

民國元年二月

共和關鍵錄

伍秩庸代表鑒：倪嗣冲竟從潁州進兵，南至潁上。前接段電謂已約束勿進，今殊不然，實爲有心破壞。請即電北京電阻。總統孫文。

覆伍廷芳電

民國元年二月 共和關鍵錄

伍秩庸代表鑒：維密電悉。徐穎兩地實彼方先行進攻，民軍迎擊却之。張勳朱震所稱，皆非事實。若彼方真有和平之意，宜飭張勳等更稍退却，方可取信協商；以張勳等屢次違約妄進，非段軍之比也。請電告袁。孫文。印。

致伍廷芳電

民國元年二月

共和關鍵錄

上海伍代表鑒：覺電悉。現在南北各軍，同贊共和，原無再起戰爭之理。惟清帝尙未退位，袁內閣主張共和，爲二三頑迷者所箝制，是以民軍亟圖北上，速定大局。清廷意欲停戰，惟有早日退位；否則遷延不決，徒滋禍害，恐惹起種種難題，民軍豈能中止進行？頃已通電張勳倪嗣冲朱家

贊升允徵求意見，如果贊成共和，彼此均係友軍，自應聯兵北上，共逼清帝退位，早圖底定。若遷延顧慮，作無謂之抵抗，無論是否誤會民軍宗旨；而在民軍方面，不能不視爲反對共和之蝨賊，將與天下同誅之。質而言之，時局至此，已非停戰問題，乃在南北合力一致，聯師北上，以實力定大局，不合此宗旨者，卽爲阻抗共和之蝨賊。天下後世，自有公論。民軍不能爲此等頑迷所阻止，自當竭力進行，既非挑戰，卽無所謂停戰也。段軍統與黎副總統所訂條件，最合此旨。袁內閣來電似合今日時局，停戰一節，應毋庸議。至優禮條件，袁內閣既稱有權商酌，可按照禡電所開條件，協商辦理，其山西陝西各軍，及升允等屢次違約進攻，應請袁內閣嚴飭該軍立即停止戰事，退出新佔各地，共同聯師北上，以彰大義。若東南言聯合，西北主抵抗，則民軍自當一致運動，寧可玉碎，決不能坐受人給，致貽誤中外之笑也。希以此意電達袁內閣爲禱！孫文黃興叩。

致伍廷芳電

民國元年二月

共和關鍵錄

伍秩庸先生鑒：魚電悉。金州事已電烟臺轉知該處民軍矣，可復袁。
孫文。

覆伍廷芳電

民國元年二月

共和關鍵錄

萬急，上海伍廷芳先生鑒：轉北京電悉。張勳爲民軍擊退，所報殺使等事，殊屬子虛。現查張勳倪嗣冲均增兵增械，勢欲南下。倪軍尤爲狡詐，屢誘攻穎上民團，慘殺無狀。應請彼方嚴行約束，勿使徒託函電空言。至退位之事，更宜催促早定，大局不堪久待也。總統孫文叩。

覆黎元洪電

民國元年二月

黎大總統政書

虞電悉：禁煙事件，須俟得某國承認後，始能協商。至專賣一節，非禁煙之良法；現時南洋各埠辦此，實於禁煙進步有阻。蓋視爲一種收入，必難收淨盡之效，理勢然也。故卽將來官賣之法，亦恐無以取信內外，而必其辦到。此復。

覆黎元洪電

民國元年二月

黎大總統政書

陽電問稅關事，悉。此事正在注意辦理交涉，惟必俟各國承認民國後，方有結果。此復。

致伍廷芳電

民國元年二月十二日

共和關鍵錄

萬急，上海伍秩庸代表鑒：今日經參議院同意：如十五日下午十二點鐘以前，清帝不遜位，則收回優待條件。此佈。即轉北京。總統孫文。震印。

致伍廷芳電

民國元年二月

共和關鍵錄

萬急，上海伍秩庸代表鑒：頃據山西代表狄樓海等聲稱：接該省國民公會電稱：清綏遠將軍電調毅軍及第一鎮兵已抵歸綏。進攻包薩民軍。河南所駐毅軍及第二鎮兵亦濟自茅，拒河東民軍後路。全省糜爛，即在旦夕

。查山西前以袁借口保護教士，駐兵太原，已屬違約。茲又進兵分攻南北兩路民軍，既係贊成共和，何得忽又違約進兵，侵襲民軍？應請尊處均重交涉。總以清軍全數退出，以符原約；且免晉民塗炭，至爲盼禱！總統孫文。印。

致伍廷芳唐紹儀電

民國元年二月

共和關鍵錄

萬急，上海伍秩庸代表，唐少川先生鑒：轉內閣如下：慰庭君鑒：迭據山西急電，清軍於停戰期中，攻破山西；復又派混成協進據太原，隨派第三鎮一協巡防兩營，自太原南下攻趙城霍州。又派毅軍自河南北茅津包圍攻擊河東之民軍北路。除毅軍外，一鎮已抵歸綏，進攻包薩民軍。其太原清軍攻入以後，姦淫焚掠，白晝橫行。今南北陷於垂危，一旦陷落，全

局糜爛。以上情形，曾經伍代表迭告阻止，惟尊處併無實在辦法。今據山西我軍來電確急益詳，此間固認山西爲同袍；執事有志平和，亦斷不忍視爲異類。况違約橫行，慘無人道之舉動，自是南北之所同憤。請照辦法如下：一、清兵全體退出停戰前駐在地點，即石家莊外。二、撤去清政府所派巡撫，空出省城，召回晉軍都督。二事請於十五日前答覆，併限日退出撤換。如認不認，則執事非仇視山西，即保無心平和。我軍無坐視晉省沈淪之理，即當派重兵赴援。曲在清軍，勿謂違約。此佈。孫文。印。

致黎元洪電

民國元年二月

黎大總統政書

漢冶萍款，原急不擇蔭；前途陸續僅交過款二百萬，隨到隨盡。現訂僅以此數變爲虛抵，而廢棄合辦之約。一面以招商局借款成立，即可盡力

濟鄂。前此借款，因清廷與民國互相抵制破壞，故難成就。今既聯合，後將易辦也。敬復。

致伍廷芳唐紹儀電

民國元年二月十四日

共和關鍵錄

萬急，上海伍秩庸先生，唐紹儀先生鑒：維密，昨十點得退位詔，即開閣議，逗夜參凶辭表於參議院，推項城。惟退位詔內權組織臨時政府一語，衆不樂聞。徇電告項城，請即南來；併舉人電知，畀以鎮守北方全權。照此辦法，衆當貼然。項城辛苦全至，今日應將往來密電，證以事實，由滬發表，以明公論。弟解組至急，故促公等入寧，安商各事。請勿延；併告項城。孫文叩。寒。

覆伍廷芳電

民國元年二月 共和關鍵錄

萬急，上海伍秩庸代表鑒：覃電悉。已據項城電通知西安張鳳翽處，併電告武昌矣。請覆項城。總統孫文。印。

致黎元洪電

民國元年二月 黎大總統政書

爲大局計，極力謀補救漢冶萍合辦之失策。刻因彼方面不能如數交足借款，合辦之約，尙可作廢。招商局借款一節，務望貴處贊成，可稍紓貴處及中央政府財政之困難。

致伍廷芳唐紹儀電

民國元年二月 共和關鍵錄

萬急，上海伍秩庸唐少川先生鑒：今日三點鐘由參議院一致舉袁公慰庭爲臨時大總統。臨時政府地點定在南京。此間已直電北京。使告知派專使奉迎來寧受事。孫文叩。印。

覆伍廷芳溫宗堯汪兆銘電

民國元年二月十七日 共和關鍵錄

上海議和代表伍廷芳參贊溫宗堯汪兆銘鑒：銑電悉。公等爲民國議和事，鞠躬盡瘁，不避嫌怨。卒能於樽俎之間，使清帝退位，南北統一，不流血而貫徹共和之目的，厥功甚懋！所請辭退議和代表事，應卽照准。謹代民國伸謝，總統孫文。篠。印。

覆袁世凱電

民國元年二月十七日

推翻清政府

袁大總統鑒：咸電敬悉。公之委曲求全，其義昭於日月。惟國民勞公以全局，德望所存，在北在南，無不可以全副精神相統攝。此間爲難之處，亦非文字可盡達，已委託唐紹儀君等北赴，造陳一切，公自鑑察。至公謂目前北方秩序，不能得措置各方面同宜之人，自不待言。然若分別諸要端，多電知數人，俾各受所委，得資鎮撫，此亦爲將來政府偏於南北東西必當籌用之一法，公應首肯。文實竭蹶於服務，日夜翹盼卸代！孫文篠。

致黎元洪電

民國元年二月

黎大總統政書

飛行船事，前已電告不知價值貴賤，故請尊處派人至滬接洽。今閣下

既知其價昂，即請要減爲是，已轉電神村矣。

覆五洲華僑電

民國元年二月

推翻清政府

旅居五洲同志華僑諸君同鑒：因推舉袁君爲第二臨時總統，紛接來電，相爭其詞，以相答曰：諸君盡其心力，與內地同志，左右繫提，仆滿清而建民國。今目的已達，以此完全民國，歸諸全體四百兆人之手，我輩之義務告盡，而權利則享自由人權而已，其他非所問也。至於服務之行政團，若總統類者，皆我自由國民所舉用之人僕，當其才者則選焉。袁君之性情，不苟於然諾，當其未以廢君爲可也，則持之；及其既以共和爲當也，則堅之。其諾最謐，其言彌信。彼之布告天下萬世，有云「不使君主政體，再發生於民國，」大哉言矣，復何瑕疵？至彼之委曲求全，予亡清以優

待，亦隱消同氣之戰爭。功罪弗居，心迹自顯。前日之袁君，爲世界之一人；今日之袁君，爲民國之分子。量才而選，彼獨賢勞，正我國民所當慰勉道歉，責之以盡瘁，愛之以熱誠者也。總統既非酬庸之具，袁君卽爲任勞之人，宜敬觀其從容敷施，以行國民之意，使民國之根基，由臨時盡力維持而完固焉。我同志其鑒文之微忱！

致伍廷芳電

民國元年二月二十一日

共和關鍵錄

伍廷芳先生鑒：各省都督於施停戰之，亦俱極鼓噪。冰時期過半，和議祥由唐輾轉表其意見，非由正式。退位之言，日復一日，無以取信中外。諒告北方，另派正式代表，或仍以全權並唐，以鍵解決。總統孫文。箇一。

致伍廷芳電

民國元年二月二十二日

共和關鍵錄

萬急，上海議和代表伍公廷芳鑒：烟台藍都督滬軍劉司令各急電稱：山東清軍葉長盛違約進攻登黃，焚殺姦掠，殘虐已甚，烟台可危等語。請速電袁相與嚴重交涉，是爲至要！總統孫文。禱。

致袁世凱電

民國元年

推翻清政府

慰廷先生鑒：文服務竭蹶，艱大之任，且夕望公。以文個人之初願，本欲藉交代國務，薄遊河朔。嗣以國民同意，挽公南來。文遂亦以爲公之此行，易新國之視聽，副輿人之想望，所關頗鉅。於是已申命所司，繕治

館舍，謹陳章綬，靜待軒車。現在海內統一，南北皆有重要將帥，爲齊國民之心，維持秩序之任，均有所委付，不必我輩簿書公僕，躬親督率。今所急要者，但以新國民暫時中央機關之所在，繫乎中外之具瞻，勿任天下懷廟宮未改之嫌，而使官僚有城社尙存之感。則燕京暫置爲閑邑，寧府首建爲新都，非特公之與文，必表同意於國民；卽凡南北主張共和，疾首於舊日腐敗官僚政治之羣公，寧有間焉？至於異日久定之都會，地點之所宜，俟大局既奠，決之正式國論，今且勿預計也。總之文之志願，但求作新邦國；公之心迹，更願戮力人民。故知南北奔馳，公必忘其自暇。嗟乎，我輩之國民，爲世界賤視久矣！能就新民國之發達，登我民於世界人道之林，此外豈尙有所恤乎？公之旋轉之勞，消磨其盛年；文亦忽忽其將衰。耿耿我輩之心，所足以質無窮之方來者，惟盡瘁於大多數幸福之公道而已。公其毋以道途爲苦，以爲強勉服務者倡！公旆南蒞，文當依末光，左右

起居，俾公安愉，俟公受事而文退。翹盼不盡！孫文頓首。

致黎元洪電

民國元年 黎大總統政書

簡電悉：查民國軍興以來，各戰地將士，赴義捐軀，傷亡不少，均賴紅十字會救濟掩埋。善功所及，非特鄂省一隅而已。文實德之。茲接電示：以該會前在武漢設立臨時病院，救傷掩埋，厥功尤偉。後經日本有賀氏安修會章，已得萬國十字會公認，囑予立案。等由。該會熱心毅力，不可無表彰之處；應即令由內務部准予立案，以昭獎勵。

致黎元洪電

民國元年三月 黎大總統政書

昨得北京蔡專使電如下：「培等此次奉總統令而來，本止有歡迎被選大總統袁君赴南京就職之目的。顧自抵天津而北京，各團體代表之紛紛來見，呈遞說帖者；北方各軍隊首領之馳電相商者，已數十通，僉以袁君不能離京爲言；且無不併臨時政府地點爲一談。元培等以職務所在，無稍事通融之理。且袁君面稱：「極願早日南行，惟徇於北方各種困難問題須妥爲布置」云云，是本與培等北來之目的，決無差池。故培等一方面對於諸要求者，撤去臨時政府地點問題，而惟堅執袁公不可不赴寧受職之理論；一方面催促袁公布置北方各事，以便迅速啟行。不意前月二十九日夜，北京軍隊忽起變亂，一般輿論，以袁將南行，爲其主要之一原因。內變既起，外人干涉之象亦現，無政府之狀態，其害不可終日。於是一方面袁君頗不能南行；而一方面則統一政府不可不即日成立，在事實上已有不可易之理由。培等會議數次，全體一致，謂不能不犧牲我等此來之目的，以全垂

危之大局。爰於初一初二兩日，疊發公電私電多次，提議改變臨時政府地點，冀得尊處同意，以便改轉交涉之方針。乃兩日間未得一復，而保定天津，相繼擾亂，大局之危，直如累卵。爰於今日午後開會議，準備於袁君爲最後之交涉，於會提議準備之主旨兩條：（一）消滅袁君南行之要求；（二）確定臨時政府之地點爲北京。共達此主旨之方法，又大畧袁君在北京行就職式，而與南京武昌商定內閣總理；由總理在南京組織統一政府，與南京前設之臨時政府辦交代。公遣外務總長或次長到北京任事。其參議院及內閣全部遷北京時，用重兵護衛，以鞏固政府，彈壓內亂。全體贊同。然此事雖爲今日必要之舉，而以培等職務所在，決不能爲此案之提議者。迨唐紹儀汪兆銘與袁君最後熟商之結果，遂與培等準備會議所提出之兩條相同。惟以何等手續行此兩條，始無窒礙，則非在南京討論不可。嗣定於歡迎團中推數人，袁君亦派親信者數人，同赴南京。儀銘回寓告之培等，

培等皆贊同；遂推定教仁永建正廷遺漢四人回南。袁君所應派之人，屬儀酌定；紹儀與同人商酌，指定唐在禮范源濂二君，已商袁派定同行。將來一切詳細辦法，均由教仁等到南京後妥商，不先贅述。惟約計自啟行以至商定，至早必要十日以外，而北地之人，以恐誤大局者，函電紛至；外人亦嘖有煩言，若不從速解決，以安人心，恐至敗壞，不可收拾。敢請尊處迅開會議，如贊同袁君不必南行就職，及臨時統一政府設在北京之議，請即電復；並宣布中外，以拯危局。至培等放棄職務之罪，則敬請執法懲處。蔡元培。支。』云云。特達。

臨時大總統通電

民國元年三月 黎大總統政書

得北京蔡專使等迭次來電，報告北方最近情形，以爲袁總統急欲南來

，而統一政府之組織，又不可不爲大局計，應予變通。提出辦法數條，經交參議院今日決議，如下：（一）由參議院電知袁大總統，允其在北京受職。（二）袁大總統接電後，即電參議院宣示。（三）參議院接到宣示之後，即覆電認爲受職，併通告全國。（四）袁總統既受職後，即將擬派國務總理，及國務員姓名電知參議院，求其同意。（五）國務總理及國務員任定後，即在南京接收政府交代事宜。（六）孫總統於交代之日，始行解職：以上各條，除電復北京外，謹聞。

覆章炳麟等電

民國元年

推翻清政府

上海大共和日報轉章太炎諸先生鑒：所謂取銷，即取銷合辦草約十條之批許也。此草約以須通過股東會而後成立，股東會抗議即無效，不問前

曾批許其可以立約否，況政府以後令取銷之耶？兩次電王轉盛，皆令取銷合辦之約。昨得王覆電云：盛來電本囑早開股東會，而董事會則以代表股東名義，到東取銷。如必須全體股東公決，俟覆到，即約齊董事登報開股東會公決。等因。附告。孫文。歌。

致魏邦平電

民國十二年二月二十日

孫大元帥回粵記

廣州魏麗堂總司令：茲特委兄爲討賊聯軍總司令，以期統轄討賊各軍，指揮如意。望勉爲難，底定粵局！孫文。號。

國民黨大會賀英首相電

民國十三年一月

新民國雜誌

文電

四三

中國國民黨各省區及華僑代表大會，現開會於廣州，通過議決案如下：
查本黨政綱，關於促進民治，增益社會幸福諸大端，皆與英國勞工黨之宗旨相同。今英國勞工黨已獲得在英國工史上空前未有之勝利，中國於潛勢上，實世界之最大商場，亟需機械工具，為經濟上之發展，故深足資助英國勞工政府以解決種種經濟問題，尤以失業問題為最要。惟中國政治上經濟上之發展，現因北京及中國大部，為軍閥與反動派所盤據，以致妨礙進行，茲特致電英國勞工黨傑出之首領，慶賀其成功，及其黨之成功；並希望此後英國之對華政策，不復援助軍閥與反動派，而能予中國之民治主義與解放運動，以自由發展之一切機會焉。中國國民黨全國代表大會主席
孫文叩。

覆蘇俄代表加拉罕電

北京全俄蘇維埃代表加拉罕君：尊電致祝全國國民黨代表大會，情詞懇摯，不勝感謝。本會目的，在繼續辛亥事業，以底於完成。使中國脫除軍閥與夫帝國主義之壓迫，以遂其再造。夫以積弱而分裂之中國，而自然之富，甲於天下，實爲亞洲之巴爾幹。十年之內，或以此故，而肇啟世界之紛爭。故爲保障亞洲及世界之平和計，其最善及唯一之方，惟有速圖中國之統一及解放。本會深信全世界之自由民族，必將予以同情，而俄國人民來此先聲，尤爲吾人所感激。中俄兩國人民，行將共同提挈，以進於自由正義之途。文謹代表國民黨全國代表大會，致敬於鄰友全俄蘇維埃。孫文。

孫中山先生外集



函札

致謝讚泰函

民國前十二年二月十三日

中華民國開國前革命史上編

康如仁兄足下，啟者：先友楊君在港遇害之事，弟得接電音，即向同志週知。弟與各同志皆深爲惋惜！哀悼之情，有非筆墨所能盡者矣。是以中歷本月初七夕邀衆聚集，特爲楊君舉哀。同志尤君起而演說，將楊君生平出處志氣大略表明衆聽，且爲之設論紀念，俾同志永遠不忘。衆皆傷悼，現於顏色。弟乘此機會，即出捐柬，言明爲楊君善後之用。衆皆踴躍捐助，共題得銀數約一千有餘元。尤君又復當衆代楊宅道謝同志厚情，存歿均感之話，然後散衆。此則弟在橫濱埠爲楊君略盡手足之義之情形也。至於捐款，不日便可收清，當即匯港中國報館交與足下諸君爲之安置。聞說

港中亦籌善後，未審捐款可得若干，念甚念甚。弟今出名爲楊君具訃音，自日本以東各處之同志或戚友，經已由弟寄去。但楊君交遊甚廣，足下亦知之最深，哀悼之情，彼此自不言而喻。並將訃音付上二百份，所有楊君之友，自香港南北以及西方各路，請足下作主代寄爲望！書難盡言，伏維惠照不宣。弟孫文謹啟。西二月十三日。

星儔兄處已由弟付伊訃音一百份，駕往言之更妥。

致陳楚楠函

民國前七年 中華民國開國前革命史中編

楚楠仁兄大人足下：星洲一會，欣慰生平，惜爲時匆匆，不能暢敘一切，爲憾！弟今不停西貢，直往日本。先查探東方機局，以定方針。方針一定，再來南地，以招集同志，合成大團，以圖早日發動。今日時機已熟

，若不再發，恐時不我待，則千古一時之會恐不再來也。日前所言林氏之親戚，祈將其姓名住址詳開寄我，以得有便，或請他來；今或派人往見他，以聯合閩廣，而共大事。有信寄橫濱如左之住址便妥。

日本橫濱郵箱二百六十一號黎炳垣先生轉交孫逸仙醫生

西貢人心亦大開，已有同志欲創一報館於此，以聯絡各埠之聲氣；惟不知辦法及欠人員。弟今許助補此兩缺點，大約二三個月後由東京南回，則此事可以成矣。比亦一可喜之事也。匆匆不盡，餘俟再報。此致即候大安不一。各位同志統此問好不另。

弟中山謹啟。七月七號西貢發。

覆陳楚楠函

民國前六年

中華民國開國前革命史中編

楚楠仁兄大人足下：寄來兩函並巴黎電報，妥收，幸勿爲念！以後寄信仍寄至民報編輯部便妥；有急電可寄東京民報，如此便能交到，且可省電費也。此間現擬設一大事務所在東京，爲各省會員交通之地，每月經費數百元，皆由會員擔任，可見人心之踴躍也。民報於下月二號開一年紀元祝典，租一大會堂爲慶祝所，想到時來會者當有數千人也。李竹癡兄近已回星洲否？前彼約在西貢打票五百元，以邱八兄而取此項，由西貢寄來日本；今到此已月餘，尙未見此款寄到，又不見竹兄有信來，未知邱兄有應其票否？祈爲詢之，復示爲望！吉隆檳城兩地之票有沽去否？弟已發信着他卽行止絕；將來沽之票盡行寄回足下代收。如有寄到，務望收存爲荷！其數幾何？祈爲示知，以待發落可也。又兩地如已沽去若干，其錢務代催他盡數寄來日本弟收可也。到日本以來，已謀得數路有可籌款之望，惟何日可以到手，仍未能決。此事一得，便可大開拳。清廷現在恐慌非常，到

處戒嚴，然斷無如吾人何也！領事之如此干涉吾黨之事，固爲歐賊——按卽歐策甲——所慫動，而亦爲清政府之號令也。各省督撫亦如是。由北京以去其位，現近日恐無從得其機；然想彼等亦不能爲吾人之大礙也。若能去歐賊，諸事無妨矣。弟離貴地以後，同志進步如何？外間輿論如何？甚念，務望時時示悉！所詢章程批好否，當查幹事，另當公函復答也。此致。卽候大安。不一。各同志統此問候不另。弟高野謹啟。十一月二十二日。

致林義順函

民國前四年十月十一日

中華民國開國前革命史中編

義順仁兄鑒：今朝有數人——革命軍人——到云：心田今日不交伙食，數人中有病者，有欲回香港者，有欲速往做石山工者，紛紛擾擾。弟見其情狀十分可憐，然亦無可如何！且不堪煩惱。石山之事，誠非速辦不可。蓋

一日不安置彼等，則各同志多一日之費，而弟多一日之煩惱。若過數日後尚不能安置，而心田又不給米飯，恐彼等不堪飢餓，必有野蠻之舉。數日前已見過一次，有十餘人到中興報討伙食，其勢洶洶，殊不雅觀。後得慕漢以好言安慰，並交銀心田發給伙食，始得平靜數日。今早已有數人來此；自後必日日有人來滋擾，彼等將以施之中興報者——此計或心田教之——對待弟處矣。如此之事，弟實所難堪！足下愛我特厚，想必能聽弟之求，而速行設法開設石山之局，以使他等安身，弟實感恩不淺也！特此懇求，不勝愧慊，並望諒之！此致即候大安不一。

致孫昌函

民國前二年二月十五日

建國月刊

昌姪知悉：叔已於正月初二日再到金山。今因有要事，准於初六晚入

點鐘往雲哥華埠；數禮拜之後，當再回金山。你現在光景如何？你母親及姪婦姪孫等，料皆平安康健也。聞此間同志云：你在北加啡埠，亦甚出力爲黨事，殊爲可喜！有信寄在三禮拜內，可寄雲哥華大漢報；以後可寄金埠少年中國報交叔。德明字。正月初六日。

致康德黎函

民國元年一月二十一日

孫逸仙與新中國

我親愛的康博士與康夫人：

這或許是你們的快慰吧，若果你聽我告訴你們我已經履行了中國臨時共和國政府的總統職務。我以無私的熱情接受了總統的任務，藉以貢獻我自己做拯救中國四萬萬人民出於萬分危殆與恥辱的環境的臂助。我應該很早的寫信給你們，但自從我到這裏以來，尤其是履行現在的任務時，忙碌

異常，這樣或那樣的事務常常防礙我這樣辦，如你們可能想像得到而深深地體諒的。當從現在的地位我回想到已往的艱苦與奮鬥的努力底時候，令我更覺得感激你們，而念及你們隨時賜給我的種種慈愛，我是永遠不能忘記的。我能說遠些的就是在南京的國事進步迅速，可爲未來的冀望的一種健全而鞏固的預兆。我不能如我常想的寫信給你們，但你們可從報紙上知悉我時時幹的是什麼。望將我的最敬意轉致我所有在倫敦的朋友們，即你們認識又遇着的，謝謝！

抱着最善的願望與最仁愛的關懷，我仍是你們極忠實的孫逸仙。一九二二，一，二十一。南京。

覆康德黎函

民國元年三月三日

孫逸仙與新中國

我親愛的康博士：

我已經收到你們的極和藹有趣的信件，即令我異常快慰的。

我很康健。自從革命工作完成以來，我已經辭職讓與袁世凱了。我希望不日可能卸任。但我恐怕，事實上總有多少轉折，需要我的服務稍爲延長。我相信你們已經看過前兩天關於北京亂事的新聞。這事件喚起很大的注意，並且需要迅速的行動以防止牠再蔓延。我希望每一樣事情不久便恢復原狀。你的忠實的孫逸仙。一九一二，三，三，南京。

致康德黎函

民國元年三月十二日

孫逸仙與新中國

親愛的康夫人：

你二月十八日的受歡迎的函件供給我無量的快慰，而再能够領略熟識

者的手筆更覺歡悅。

大清朝誠然是「過去的遺物」，但滿清的遜位並不算是中國完滿的得救。我們的前頭還有無限的工作，務須成全，俾得與列國並駕齊驅啊。

我感謝你爲着我的行動而貢獻的誠篤的禱告。我歡喜告訴你我們正謀中國的宗教信仰自由，並且我敢卜基督教在這新國度裏日榮月盛。

我不久將有廣州之行，屆時擬將老城改建爲新式的，近代的。

我的眷屬是和我一起在南京。我的兒子將回美受教育。我正擬送我的長女跟他的哥哥去尋同樣的目的。如果他們到英國時，我將叫他們按址訪候你和康博士。

我以對你與康博士的最和悅的關懷與最善的願望結束這封信。我仍然是你的忠實的孫逸仙。一九一二，三，一二，南京。

覆佛教會函

民國元年三月

佛學叢報

敬覆者，頃讀公函；暨佛教會大綱，及其餘二件，均悉。

貴會揭宏通佛教，提振戒乘，融攝世間出世間一切善法，甄擇進行，以求世界永久之和平，及衆生完全之幸福爲宗旨。道衰久矣，得諸君闡微索隱，補弊救偏，既暢宗風，亦裨世道，曷勝瞻仰讚嘆！近世各國政教之分甚嚴，在教徒苦心修持，絕不干預政治；而在國家盡力保護，不稍吝惜。此種美風，最可效法。民國約法第五條載明：「中華民國人民，一律平等，無種族階級宗教之區別」。第二條第七項載明：「人民有信教之自由。」條文雖簡，而含義甚宏。是貴會所要求者，盡爲約法所容許。凡承乏公僕者，皆當力體斯旨，一律奉行，此文所敢明告者。所有貴會大綱，已交教育部存案；要求條件，亦一併附發。復問道安！孫文謹肅

覆葉舉等函

民國十一年 陳炯明叛國史

廣州葉督辦，魏衛戍總司令，熊翁何鍾陳邱陳楊羅李姜太賀余袁紀王陳各旅長司令鑒：新克密。得電惠詞懇切。國家多事，非賢者高蹈之時，況競存遄征，實關大局安危。故自上月漾日以來，每亟欲挽之復出，電報祕疊，信使不絕於道。顧競存雖云繼任陸軍，猶未取消退志。最近桂寇披猖，粵防告警。競存切念時艱，亦再借箸爲籌，或當幡然而退，不卸仔肩。巧日已託精衛商以聯軍總司令之重任，此皆入春以來，與競存之預約，可使內外兼維。同日文更有電往商。蓋文於競存，始終動以至誠，而不肯稍參客氣。以競存生平大義，炳著中外。君子愛人以德。若操之過蹙，不任有迴旋餘地，殊非待士之道。烈山尋介，重穴求玉，長此相迫，文所不

忍，亦君等所當知者。知君等袍澤誼深，愛鄉愛國，故言之切切。專此佈復。孫文。

覆湯廷光函

民國十一年

陳炯明叛國史

本總統設行營於長洲，本欲暫避敵鋒，以候國民之公斷。乃對家迫人太甚，幾致我於無地可容。夫當專制時代，君主尙有死社稷；共和時代，總統死國家，分所應爾。乃總長忽有趨進和平之說，如有於義不悖，無不樂從。此事請與湘臣燮丞公續麗堂四君籌妥辦法，以達真正和平，大局幸甚！



雜著

中國革命同盟會委任狀

民國前七年九月八日

中華民國開國前革命史上編

中國革命同盟會總理孫文特委託本會會員馮君自由李君自重二人在香港粵城澳門等地聯合同志。二君熱心愛國，誠實待人，足堪本會委託之任。凡有志入盟者，可由二君主盟收接。特此通知，仰祈察照是荷！中國革命同盟會總理孫文押印。天運歲乙巳年八月十日發。

臨時大總統令

民國元年一月

黎大總統政書

臨時政府成立，委任張謇爲實業部總長，仍兼江蘇兩淮鹽政總理。所

有江蘇省松太與淮南淮北各鹽廠，湘鄂皖贛向行淮鹽，與蘇五域凡關涉運銷之事，用人行政，通歸總理督率辦理。鹽課爲餉項大宗，必須事權統一，總收總支。以後應待鹽課鹽釐加價等項，由總局統收。解交財政部，分別援照從前成案，關係賠款洋償者，剔除備用。惟歸各省者一律照撥，餘俟政府指撥。各省都督各軍政府各司令，務各顧念大局，產鹽運鹽各地方，有須駐警保護者，務當協力相助，保商業卽以顧餉源，毋忽！此令。

臨時大總統布告

民國元年二月十八日

推翻清政府

南北共和各省都督，將軍，巡撫，報館鑒：大總統孫文布告：今中華民國已完全統一矣！中華民國之建設，專爲擁護億兆國民之自由權利，合漢滿蒙回藏爲一家，相與和衷共濟，不振實業，促進教育，推廣東球之商

務，維持世界之和平。俾五洲列國，益敦親睦，於我視爲唇齒兄弟之邦。因此敢告我國民：而今而後，務當消融意見，蠲除畛域，以營私爲無利，以公益爲當謀，增祖國之榮光，造後民之幸福，文謹惓惓焉！中華民國元年二月十八日。

臨時大總統令

民國元年 黎大總統政書

臨時大總統孫令：前由參議院議決統一政府辦法第六條：孫大總統於交代之日，始行解職。今國務總理唐君南來，國務員已各任定，統一政府，業已完全成立；於本月初一日在南京交代，本總統卽於是日解職。是用宣布周知，此後國中一切政務，悉取決於統一政府；本處各部辦事人員，仍各照舊供職，以待新國務員接理，勿得懈怠，致多曠廢。本總統受任以

來，慄慄危懼，深恐弗克負荷，有負付託。今幸南北一家，共和確定，本總統藉此卸責，得以退逸之身，享自由之福，私心自慶，無以逾此！所願吾百僚執事，公忠體國，勿以私見害大局；吾海陸軍士，謹守秩序，勿以共和昧服從。吾五大族人民親愛團結，日益鞏固奮發，更爲宣揚國光，俾吾艱難締造之民國，與天壤共立於不敝，本總統雖亦得以公民資格，勉從國人之後，爲幸多矣！此令。

中國之鐵路計畫與民生主義

民國元年十月十日 總理關於國慶紀念的遺教

余自此次遊歷北部，遍訪各大都會，並與各界人士接觸，益信中國當成爲統一獨立與興盛之國家，確係將來必然之事實。向來持悲觀論調者，每臆料中國將由南北分裂而成二國；但余素知南方情形，今又親蒞北部，

現信中國仍爲整個之單一國家，且將永遠如是也。中國自廣州北至滿洲，自上海西迄國界，確爲同一國家與同一民族，此種事實，直至中國學生留學外國之時，始有完全之認識。故首知中國爲偉大之單一國者，乃留學外國之學生。彼等發見此種事實，並舉以告知國人，國人本其智力與熱誠，已完全了解此種意義；現在余遊歷北部之觀察，更給余以鐵證，確知此種見解之正確無訛。當余遊歷各地之時，已努力向人民解釋創立民國之理由，與新制度下政府與人民之關係。人民對於已成之事實與將來之希望，皆已認爲滿意。故余敢斷言，將來必有一偉大、統一永久之中華民國出現。且民國現已存在矣，余乃昭示人民，謂當滿清時代，政府與人民，皆由專制君主管轄；今則專制君主業已驅逐，政府由人民主持，此乃事理之當然。而人民所表示之同情與熱望，實有出余意料之外者。遊踪所至；西北及張家口，西達太原，並歷山海關與濟南，無處不發現人民有同樣之態度；

卽對於新事業之同情的感覺，與對於強大統一之中國的希望是也。

統一將告完成，國人心目中，皆知滿清之政策，欲使各省自分畛域，以致革命勢力渙散，不能反抗滿清政府。依當局者之意見，中國在此種情形之下，永無統一之可能。然而中國之統一竟告成功，專制者卒被驅逐。國人已洞悉滿清政府之所爲，並採取劇烈之手段，以反抗專制政治，迄於今日，國人已知各省間之異見，可以完全蠲除矣。當余在山西省向人民提議蠲除省見，促進統一之時，該省人民，莫不表示極端之熱誠，歡欣贊許，及余建議歡迎與他省與他國人士提攜之意見，人民亦皆樂從。國人現已確知中國之將來，全賴天然之富源，且能竭力以響應國家之宣言，深信吾國家之鞏固，所恃於自然寶藏之開發者，實較甚於龐大軍備之組織也。余信袁世凱係一有力量之人物，能制馭現局，建設鞏固之政府，可邀世界列強之承認。自此次遊歷北地，與北方人士接觸，余益信中國將成爲世界上

之一等國家矣。余對於中國之經濟發展，深具熱誠，中國物產無不豐富，惟待開發而已。中國亦與各大國發展之情形相同，所急切需要者，乃交通之便。故目前關係吾國前途之最大者，莫如鐵路之建築。因鐵路能使人民交接日密，祛除省見，消弭一切地方觀念之相嫉妬與反對，使不復阻礙吾人之共同進步，以達到吾人之最終目的，且路線敷設以後，則物產之價值，勢必增漲數倍；因此種路線，不啻將昔日市場與生產者遙遠之距離縮短於咫尺之間也。至地下蘊藏之採掘，金屬物產之開發。其利益之豐厚，乃顯而易見者，固不待贅言者也。

近袁總統以全國鐵路設計，籌措必需路款，並組織中央鐵路公司以督辦路政之重任相屬。余對於鐵路建築工程，與運用上之複雜情形，及經濟方面，已加一番研究，知此事關於國家前途之發展者甚大，故敢毅然擔任之。但余辦理此事之地位，恐不免引起誤會，須知余實未受政府之任何職

位，不過受命於政府，以代辦一定之事業耳。余之地位，乃與包工人相等，承攬一定之工作以完成之。政府因欲興辦一定事業，囑余完成其事，卽與對包工人之囑託相同，余將努力以實現政府此種囑託。爲完成偉大之工作起見，自非利用外資不可；但余意以爲應由投資之私人或公司與吾鐵路局直接交涉，而與中央政府不發生關係。此種純粹商業性質之辦法，可使全盤事業脫離國際的與他種的政治範圍；蓋建築鐵路之經費，如仍依舊例借貸而得，則外交問題卽不免牽涉其間，故吾人茲願擺脫外交上之一切糾葛也。依余之計畫，卽可避免此種煩惱，中央鐵路公司將自行籌措借款，對於中央政府與投資人擔負責任。如是則吾人與政府皆不向外國政府負責，吾人將於創辦之初，劃清界限，以杜絕外來之干涉。至於此種路線之應否建築，與此種關係於全國幸福之計畫，應否聿觀厥成，端賴全國人民之公意，乃爲此種縱貫全國的鐵路系統之最後決定，若徒事無理之反對，則

適足以破壞全盤之計畫而已。在今後十年之內敷設，其利益實浩大而易觀，此種有效的安穩的敏捷的交通建設，豈但有益於商業，亦且有裨於政治前途也。今世界之大國，無一不得到此同樣之教訓，蓋無論何處，鐵路常爲國家興盛之先驅，人民幸福之源泉也。

余現擬進行之計畫，規定於今後十年之內，敷設二十萬里之鐵路。此成鉅大之企圖，但余敢申言其必能實現也。按此次革命事業之本身，卽爲一鉅大之工作；在二十年以前，甚至在五年以前，革命之發難與成功，似乎都不可能；但革命力量培植既潔，吾人卒能奮臂而起，以敏捷之手段，於數月之間竟卽推翻專制脫離桎梏。故今之計畫雖大，乃確可實現者。因中華民族爲一偉大之民族，必能完成偉大之事業也。關於建築鐵路之辦法有三：卽（一）利用外資如京漢津浦線等是也；（二）集中外人之資本，創設鐵路公司；（三）任外國資本家建築鐵路，但以今後四十年歸還該項路線於

中國政府爲條件。在此種辦法之中，以第三種辦法爲最善，此在中國雖爲創見而在他國則已司空見慣矣。且利用此項辦法者無處不奏偉大之成效也。中國如能利用此項辦法，其成功自必偉大。吾人須屏除一種錯誤之見解，勿以爲外人一旦躡入此種事業，則必破壞國家之主權，妨害吾人之自由，蓋實際上並不如是也。此同一之辦法，曾在各處施行。固皆不曾妨害其國家之主權，譬如美國連貫國疆極端之鐵路系統，大部份皆由外資敷設。在美國之富源未開發以前，早期敷設之鐵路，事實上亦不得利用外資也。但美國並未因此受害，且因此獲鉅利，臻於富強之域。故今日有利於中國之事，亦莫如鐵路之敷設。吾人試測想：如美國不敷設鐵路，則今日將成如何景象乎？因此吾人須相信，中國如不敷設鐵路，則其國家落後之情形將長此不變也。余所擬敷設鐵路之計畫，其細目雖未釐定；但就大體言之，則吾人已知進行之頭緒矣。今後將敷設無數之幹線，以橫貫全國各極

端。使伊犁與山東恍如毗鄰，瀋陽與廣州語言相通，雲南視太原將親如兄弟焉。迨中國同胞發生強烈之民族意識并民族能力之自信，則中國之前途，可永久適存於世界，蓋省區之異見既除，各省間不復時常發生隔閡與衝突，則國人之交際，日增密切，各處方言將歸消滅，而中國形成民族公同自覺之統一的國語必將出現矣。

從上海至伊犁，將敷設幹線一條，另一條由廣州至喀什噶爾，又另一條，由廣州至西藏，取道雲南。揚子江流域本為中國最重要之商業中心地，將為此種新路線所橫截。且甘肅之蘭州將有十三條鐵路匯合於此，形成一極重要之交通中樞，此世人必為驚異者也。

各省之省會，均將成為鐵路中心。路線將由此種重要之城市向各方分射而出，從每一省會出發之路線，將多至八九條不等。由此觀之，似乎中國之鐵路過多，但吾人須不忘全國地域之廣闊也。即此計畫完全實現之後

，中國尙有增築鐵路之餘地，將來全國商務之發展，必需更多之路線也。完成目前之鐵路計畫，卽所以促進商業之繁盛，增加國富，市場因以改良而擴大，生產得藉獎勵而激增。尤其重要者，則爲保障統一之真實，蓋中國統一，方能自存也。一旦統一興盛，則中國將列於世界大國之林，不復受各國之欺侮與宰割。今時機已至中國將能自立以抵禦外來之侵略矣。

夫人民之幸福，與中國物質上之開發，關係如此之巨，令余不敢輕議者已有年矣。在文明世界各國之中，嘗見勞資爭執不已；此等爭執，原由工商界之力圖擴張，驅迫使然，迄今依然未已。又嘗見弱者之窮迫，強者之奮鬪以求足食。尤可異者，近時貿易聯合會之時滋紛擾，出其幾類原始時代之野蠻手段，以爲工人要求生活費。實則在過去數年中，世界各處，已有可驚可憤激之象，工人不分巧拙，咸爲境遇所迫，不得不出此以求遂其所欲。余平心思之，資本家所獲甚豐，皆由工人之勞力而來，工人爭其

所應得之權利亦理所當然也。余等所見各國之罷工，如法之路工，奧之礦工及電工，美之煤礦工，汽車夫，旅館侍役以及其他各工，英之船工礦工，德之礦工與他工，蓋皆直接受實業主義進步之影響者也。其在中國，則此等罷工之事實未曾見，人民安於農業，貧富之間，並無此等互相仇視之紛擾現象。余每自問，此種可怖之情形，亦將見於中國乎？夫中國亦將自行投入實業漩渦之中；蓋實業主義爲中國所必需，文明進步，必賴乎此，非人力所能阻遏，故實業主義之行於吾國也必矣。吾人今日務必開發富源，其法維何？須深長思之耳。近世資本主義之天然演進，對於勞動者，常與以不平之待遇，故吾人當力避之。間嘗熟思深慮，以求解決此問題之策；其策維何？民生主義是已。至於此主義未能適用之故，則以其他諸國，類皆矯枉過正，不能使勞資間得一調和之點，而收利益平均之效果也。

此策行之於新進之吾國，自宜及早圖之。隨實業主義之進步，努力以

避免其惡劣之結果，故余主張民生主義。惟民生主義之意義維何？吾人所主張者，並非如反動派所言，將產業重行分配之荒謬絕倫；但欲行一方策，使物產之供給，得按公理而互蒙利益耳。此即余所主張之民生主義的定義。余將使勞工得其勞力所獲之全部，將來中國之實業，建設於合作的基礎之上，政治與實業皆民主化，每一階級，皆依賴其他階級，而共同生活於互愛的情形之下。此種理想，固難達到；但吾人當努力以求理想之實現，以改良社會之情狀，使臻於完善之域也。依照此種計畫，生產將日益增加，以最少限度之窮困與奴役現象，以達到最高限度之生產。對於待開發之產業，人人皆得按其應得之比例，以分沾其利益，享受其勞力結果之全部，獲得較優良之工作狀態，並有餘暇之機會，可以思及其他工作以外之事件。如此，勞工必能知識日進，獲得充分之娛樂與幸福。此種娛樂與幸福，本為一切人類所應享；但在他國，勞工與窮苦之人，常無享受之權利

耳。故在一個民族之中，須給人全民全體以生活之機會，並與以完全之自由，此即余之希望。余所以主張民生主義制度者，蓋欲用一種制度，使國民對於國事，發生直接之興趣，願全國人民，皆享受其生產之結果；余更願國家對於直接管轄之稅源，得到其所產利益之全部。凡鐵路電車電燈瓦斯自來水運河森林各業，均應收歸國有，地產收入與礦產收入，為國家收入之淵源。按國家之收入共分三種。

第一為地價稅（並不作單稅徵收），此最易施行於中國。簡略言之，即使城市之土地，呈報價格，惟聲明國家得按價收買之，且即照價課稅。第二為鐵路收入，據稱美國之鐵路收入，現有流入私人收入之趨勢，其數額達七〇〇，〇〇〇，〇〇〇金元之鉅，足以抵付美政府之政費而有餘。在中國吾人亦知鐵路之利益；因此種鐵路，將由政府直接管轄，故其全額收入，將供政府之使用。

第三爲礦業收入。

上述之三種收入，大抵可以即時徵收，且極便利；其他尙待開發之稅源，則有各種公共興辦之事業：如自來水，電廠，瓦斯，森林等是也。綜上述之各種收入，將供給國家政費之需要而有餘；然後舉其餘額，以興辦教育，及最要之慈善事業；如養老恩俸，收養殘廢跛瞎之人。吾人應注意青年之養育，與衰老羸弱者之安撫。新中國之人民，今得生存於開明政治之下，解除數百年之專制壓迫，而目睹將來愉快之黃金時代矣。當今之所急需者，惟在國人之同心合作而已。

大元帥令

民國十二年

孫大元帥回粵記

討賊軍滇軍總司令楊希閔：辛亥之役，滇軍將士，光復雲南，構成民

國。自是以後，宣勞於國，干城之望，與日俱隆。丙辰護國，實爲功首。丁巳以後，護法軍興，轉戰西南，厥功至偉。前歲本大元帥，督師北伐，該軍將士，忠勇奮發，間關會師；方期奠安中原，削平大難。而去歲奸宄竊作，百粵淪陷；該軍將士，受命討賊，不避艱險，卒能摧鋒破敵，驅除大慝，克復名城。使正義復明，國命不墜，勞苦功高，實深嘉慰！滇軍總司令楊希閔，忠誠最著，督率有方，允爲元功，宜加特褒。並著該總司令將有功將士，擇尤獎勵；全軍將士，一律犒勞。當此國難未靖，凡我將士，務宜同心一德，始終不懈，以酬夙志，而竟全功，有厚望焉！此令。

大元帥令

民國十二年

孫大元帥回粵記

令桂軍總司令沈鴻英：去夏粵中變作，正義淪晦，本大元帥分命諸將

，出師討賊。該總司令沈鴻英，躬率所部，會合西路諸軍，舉兵東下。軍威所指，賊勢披靡。遂使元惡竄彘，南都克復，奇勳偉績，嘉尙實深！該總司令暨所部各將士，於護法之役，久著勳勞。近復不避險難，同扶大義。允宜褒獎，以勵戎行。尤望共矢公忠，勉成大烈。使六年以來，護法事業，得竟全功；分崩離析之邦家，終歸安定，有厚望焉！此令。

大元帥令

民國十二年

孫大元帥回粵記

令討賊軍西路總司令劉震寰：十年援桂之役，討賊軍西路總司令劉震寰，建議梧州，遂立奇功。自是馳驅全桂，備歷賢勞。去歲粵中變作，正義幽晦。自該總司令親受密令，矢志討賊，於逆焰鴟張之際，堅苦經營，忠信以結軍心，和衷以聯諸將。終能會師東下，驅除巨憝，克復名城。該

總司令忠勇兼備，勳勞特著，允宜褒嘉，用張殊績。所有該軍將士，均着犒賞，以示激勸。當此百粵粗定，國難未平，尤宜共矢忠勤，卒成偉業，有厚望焉！此令。

大元帥令

民國十二年

孫大元帥回粵記

令駐江辦事處程潛：粵軍將士，自隨護法以來，轉戰閩海，返施粵中，平定桂疆，勳勞著於天下。本大元帥各視爲干城心腹之寄。去夏陳炯明負義作亂，幾使百戰之健兒，蒙萬劫之奇恥，至深痛憤！諸將士隱忍待時，志存匡復。及西路討賊諸軍舉兵東下，第一二三四師首先響應，以振軍威；各路將士，翕然從風，共扶大義。遂使元惡成瓦解之勢，士民慰來蘇之望，令名克保，可爲嘉尚！尤望各該將士，念前功之難繼，國難之未已。

，益加奮發，共矢真誠。俾建國之業，臻於完成，上不負先烈，下以示來者，其共勉之！此令。

大元帥令

民國十二年

孫大元帥回粵記

令中央直轄滇軍總司令朱培德：本歲本大元帥督師北伐，分命諸將，略定贛中，中央直轄滇軍總司令朱培德，率百戰之健兒，轉戰千里，軍鋒所指，無堅不摧。及聞粵中變作，政府播遷，慷慨旋師，氣吞狂虜，忠義激烈，允爲軍人模範。迨至元兇稽謀，師行蹉跌，該總司令支持危難，固結軍心，崎嶇湘桂之間，備嘗艱苦。終能會合各軍，削平粵難。前功獲竟，嘉慰實深。該總司令朱培德，捍衛正義，懋著勳誠，允宜褒獎。所部各將士均加犒勞，以慰勞苦。尤望益勵忠盡，爲國宣勞，終成護法之全功，

共謀建國之大業，有厚望焉！此令。

大元帥令

民國十二年 孫大元帥回粵記

令海軍各艦艦長，及官佐士兵；往者護法之役，本大元帥躬率海軍來粵，首倡義師；西南諸省，相繼響應。我海軍將士爲國宣勞，厥功至爲宏偉。去年粵變，海軍守義至堅。本大元帥督率諸艦，親討賊軍，中經三戰，我親愛之海軍將士，死傷各數十人。本大元帥躬與其役，覩茲慘烈，爲之隕涕！我中華民國之海軍，於歷史上著莫大之光榮者，實以是役爲最。本大元帥感愴之情，尤爲特深。今幸滇桂聯軍討賊成功，本大元帥重返廣州。顧念前勞，允堪嘉尚，褒卹之典，將以次頒給。而所殷殷期望於諸將士者，則在念國難之未平，歷史之足貴，長保初志，共襄偉業，勿爲奸人

播弄，以自喪其榮名，而貽先烈以羞；本大元帥亦得與諸將士永相終始，共保無疆之祚，勉之勿怠！此令。

大元帥令

民國十二年

孫大元帥回粵記

令中央直轄桂軍第二師師長劉玉山：去歲大軍攻贛，迭克名城，不圖陳逆爛明，始終參差，蒼黃反覆，竟有六月十六之變；致民國中興之局，蹉跎至今。中央直轄桂軍第二師師長劉玉山，遠在柳州，屢思討賊，當逆敵方張之際，有圖仇必剪之心。故師次蒙江，特申大義。始與盟於白馬，旋奏捷於蒼梧。提兵而來，轉戰千里。卒得驅除陳逆，克奏膚功，該師長劉玉山，爲國宣勞，深堪嘉尙。所部各將士，均着傳語慰勞。尤望該師長等，當益念國難未已，民困未蘇，以討逆伐暴之初衷，成撥亂反正之偉業

，本大元帥有厚望焉！此令。

大元帥令

民國十二年

孫大元帥回粵記

陳逆叛國，我滇桂粵軍，奉命討賊，不浹旬而奠定國難。曾經本大元帥，下令褒嘉，以彰勛勞。現當粵局粗定，我軍驚集於省城及北江一帶，各該將領對於軍隊管理，諸多未便；亟應指定防地，分別駐守，俾資統率。桂軍總司令沈鴻英，着將率領全部移駐肇慶，並西江北岸，上至梧州各地，擇要防守。所遣北江一帶防地，着滇軍總司令楊希閔，迅即派隊接防。西路討賊軍總司令劉震寰所部，着駐石龍，東莞，虎門各處。東路討賊軍第四師長呂春榮所部，着移駐羅定各地方。此外各部軍隊，着就現駐地點駐紮。自經規定以後，各部軍隊，非奉本大元帥命令，不得擅自行動，

致滋紛擾。該總司令等，務各督率所部，申明紀律，保衛地方，以期無負本大元帥撫兵恤民之至意！此令。

撫輯平民兵士案

民國十三年一月在中國國民黨第一次全國代表大會提出

新民國雜誌

中國爲農業的國家，近代受經濟的帝國主義之壓迫及國內軍閥之官僚刮削，遂至失業日多。饑寒所迫，或行劫掠以圖苟全，或入行伍，以求倖存，良好之農民，化而爲強暴之兵匪，直接則軍閥之虐待及驅使，間接則爲列強所利用。使吾國產業基礎，日就崩壞。吾中國國民黨第一次全國代表大會，對於此全國產業基礎崩壞，人民生活動搖之慘狀，認爲封建制度破壞後二千年來吾國歷史上之第一重大時代。主張以黨之全力，宣傳并實行下列二項：

一、國家對於游民土匪，於征服的方法之外，須設法加以感化及收容。使即能獲得從事於社會有益之工作之機會。

二、吾人當努力宣傳於一切軍隊中，使了然其自身之地位，變反動的兵力為革命的兵力。至革命軍揭國民黨之旗幟，為人民而戰，以從事於捍衛國家克服民敵者，當受國家之殊遇。兵士於革命勝利之後，國家應給以適當之土地，使復歸於善良之農民。

在此重大問題上，本大會並認本黨總理所主張之兵工政策，及實業的建國方略，為最適合於中國改造之政策。本黨應本此政策，負努力宣傳及實行之責任。

禁絕鴉片之主張

民國十三年 天津大公報

予之意見，認中國之禁煙問題與良好政府之問題，有連帶之關係。鴉片營業，絕對不能與人民所賦予權力之國民政府兩立；但在政府當局，對於庶政之設施，未能實現民治之威權以前，於達到有效之禁絕，殊非可能。現在一般不法之軍閥，各在轄境之內，不但獎勵，而且強迫種植鴉片；明訂完密之禁煙計畫，爲用殊微；良以種植鴉片，較種植米穀蔬菜菓實等物，事簡而利厚，故農民大都不願，亦不敢反對軍閥強迫種煙之命令也。國際聯盟之禁煙大會，正將開會。出席該會之各國代表，應本公道之精神，毅然訂立嚴密計畫，禁止各國鴉片，及其複製品——如嗎啡海洛因等毒物——之出產。蓋中國政府破裂之結果，不但使煙苗復盛，亦使對外貿易日趨停滯；中外商人及合法商品之製造家，均受巨大損失。目下由私運私賣鴉片銷耗之鉅量款項，若用於正當貿易，不但可使本國商業復興，並可使中外間之合法通商大形起色。邇來有以謂今日我國鴉片復興，遍地皆毒，不

如法律正式允許煙土之營業，海關放任外洋鴉片入口，以充裕餉源。此等主張，絕對不當。中國之民意，尤其守法安分純潔之民衆，其意見未有不反對鴉片。苟有主張法律准許鴉片，或對營業鴉片之惡勢力表示降服者，即使爲一時權宜之計，均爲民意之公敵。今日國內情形，至爲惡劣，拒毒運動之進行，備受難阻，以致成績甚渺。然對鴉片之宣戰，絕對不可妥協，更不可放棄；苟負責之政府機關，爲自身之私便，及眼前之利益，倘對鴉片下旗息戰，不問久暫，均屬賣國之行爲。總之，對於鴉片之禍害，不論何種形式之降伏，均可謂爲蔑視國民之良心主張；即以恃非法之鴉片爲利源之士匪式軍閥言之，亦不敢公然承認鴉片乃正當之營業；對彼等自身之非法行爲，亦難逃羞恥與盜竊之良心上責備。我國內地素缺乏道路與各項利便交通之建設，加以不時有軍閥之鬪爭，結果使農民之經濟負擔日益加重，農民雖欲安分耕種普通農產，殊不可能；例如廣東省政府極端反對

煙毒，但鄰省私運之外，尚有國外鴉片由海道輸入。在此等現狀之下，雖有良好政府如廣東省者，甘冒萬難以取締非法之鴉片營業，釐定完密計畫，以圖毒害之根本廓清；但以水陸私運之繁多，無從收相當之實效。於此吾人可見局部之舉動，殊難收效，欲達禁煙之目的，必須由國民政府採定全國一致遵守之計畫；是故吾人應先打倒爲禍較深爲害較烈之軍閥，促進國民政府之成立，使之實現民治之威權，禁煙始能收效。今日阻礙民衆生活與自由之禍害，一經廢除，則輿論勢力，必可貫徹禁絕鴉片之目的。目下軍閥未經打倒，民治政府尙未統一全國，對於達到上述目的之最佳方法，乃在拒毒團體之奮鬥不懈，繼續努力於調查與宣傳之運動，使非法營業，無所斂迹。雖或一時未能收效，但千萬不可放棄堅忍與不妥協之奮鬥決心，當永遠抱定澈底不降服之政策。

孫中山先生外集終

民生

主義

楊汝梅著

經濟學

並裝一厚冊 一元八角

著者以客觀的態度，為經濟問題之探討與解剖，而折衷於孫中山先生之民生主義，以期適合訓政時期經濟教材之用。內容分三編：首論經濟學之根本要素，並臚列各派學說，以相發明；次論社會經濟之主要現象；復次則本其方略，以導於應用；對於不合社會需要之一切學說，悉依民生主義之理解以糾正之。其於近代經濟上之重要問題，如世界各國經濟政策，吾國經濟組織以及最近發生之金貴銀賤問題，均有詳細之說明。

經濟學要旨

李一冊 四角

原著者法國季特氏，為世界著名經濟學專家，是書專為經濟學未入門者而作，全書主旨，在說明經濟學上十餘基本概念，並明其今昔之變遷，取譬設例，無一不引人入勝。

現代世界經濟大勢

耿濟之譯 一冊 六角

本書係俄國經濟學者庫里塞爾的著作，敘述世界經濟狀況頗詳，要了解世界近年經濟實在情形的，不可不讀。

中華書局發行

世界聯邦論

高魯著 一冊四角

本書是吾國駐法公使高魯君用法文原著，向國際宣傳者；茲由賀君世俊譯成國文，復經高魯君親自閱定，許爲譯筆詳實，文字流暢。內容分四篇：（一）中國之和平思想，（二）十年來的國際聯盟會，（三）治安與進步，（四）如何實現世界聯邦。關於總理大同思想，及三民五權之運用原則，言之綦詳。國人欲明瞭國際聯盟的內容，及總理思想在國際上之重要者，不可不讀是書。

中華書局發行

社會科學家
與社會運動家

劉炳黎編 一冊 一元二角

本書分上下兩篇：上篇述社會科學家，內分法政學家、經濟學家、社會學家等章；而附以教育家。下篇述社會運動家，內分空想的社會主義者、無政府主義者、科學社會主義者、東方民族運動領袖等章。全書十餘萬言，將近世世界著名的社會科學家與社會運動家的生活、著述、與思想等，敘述無遺。取材寬廣，用筆嚴正，為研究社會科學與從事社會運動者所應讀也。

中華書局出版

中華書局出版

近代政治思想

本書從盧梭起說到斯賓塞·全書共八章
主義之興起及其衰落，以及法國
英國的功利主義，以及社會主義
言純粹客觀的、批評的態度，故
者得有系統的觀念。

歐洲政治思想小史

如有
孟
進
的
福
以及
一
五



碼
CALL NO. 005.16
登錄號
ACCESSION NO. 10758

新

政治作戰學校政治研究所

民國二十一年十月印刷
民國二十一年十月發行

孫中山先生外集(全一冊)

◎ 定價 銀 三 角

(外埠另加郵匯費)



編者	陸達節
發行者	中華書局
印刷者	中華書局
印刷所	上海靜安寺路一四八六號 中華書局

總發行所 上海棋盤街 中華書局

分發行所 中華書局

北平 天津 張家口 石家莊 邢台 保定
濟南 青島 太原 開封 鄭州 西安 蘭州
成都 重慶 長沙 常德 衡州 漢口 南昌
九江 安慶 蕪湖 南京 徐州 杭州 溫州
福州 廈門 廣州 汕頭 潮州 梧州 雲南
瀋陽 吉林 煙台 香港 新加坡

(六七二八)

標商冊註



101676901
1448478



中華民國玖拾肆年玖月拾玖日購買
教育部補助
民國93年度

國家圖書館



002900664



普